
Saksnr: 2019/11-81
Saksbehandlar: Petter Lem Gullestad

Saksgang

Utval	Utv.saksnr.	Møtedato
Fylkesvalstyret		22.06.2021

Val av nye varamedlem til fylkestinget

Forslag til vedtak

1. Fylkesvalstyret vel Nils Bjarte Sæle som ny varamedlem til fylkestinget.
2. Fylkesvalstyret vel Torill Jørgensen Frøise som ny varamedlem til fylkestinget.
3. Fylkesvalstyret vel Jan Henrik Nygård som ny varamedlem til fylkestinget.
4. Fylkesvalstyret vel Aasmund Karlsen som ny varamedlem til fylkestinget.

Samandrag

På bakgrunn av at varamedlemene Erica Restofte og Bente Øien Hauge (begge Raudt) har tredd ut av fylkestinget, har fylkesordførar funne det naudsynt med nytt val av varamedlem til fylkestinget.

Samstundes har Gunhild Berge Stang (V) søkt om fritak frå mellom anna sitt verv som medlem i fylkestinget. Under føresetnad av at søknaden vert innvilga av fylkestinget, inneber dette ein ledig varaplass for Venstre i fylkestinget.

Jann Atle Jensen (varamedlem for FNB i fylkestinget) gjekk bort i 2020. Dette inneber ein ledig varaplass for FNB i fylkestinget.

Rune Haugsdal
fylkesrådmann

Ingrid Kristine Holm Svendsen
fylkesdirektør

Saksframlegget er godkjent elektronisk og har difor inga handskriven underskrift

Vedlegg

1 Møtebok for fylkesvalstyret - Fylkestingsvalet 2019

Saksutgreiing

Bakgrunn for saka

Erica Restoften (Raudt) har tredd endeleg ut frå sitt verv som vararepresentant i fylkestinget grunna flytting. Bente Øien Hauge (Raudt) har fått varig fritak frå sitt verv som vararepresentant i fylkestinget ut valperioden. Dette inneber at Raudt berre har besett tre av fem varaplassar i fylkestinget.

Gunhild Berge Stang (V) har søkt om fritak frå mellom anna sitt verv som medlem i fylkestinget. Under føresetnad av at søknaden vert innvilga av fylkestinget 16/17. juni, inneber dette ein ledig varaplass for Venstre i fylkestinget.

Jann Atle Jensen gjekk bort i 2020. Dette inneber ein ledig varaplass for FNB i fylkestinget.

Vedtakskompetanse

Fylkesvalstyret har mynde til å foreta nytt valoppgjør når vararepresentantplass er blitt ledig, jf. valgloven § 14-2 (2).

Vurderingar

Rettslege utgangspunkt

Av valgloven § 14-2 (2) følger:

«Det skal også foretas nytt valgoppgjør når en vararepresentantplass er blitt ledig, dersom fylkesordføreren eller ordføreren finner dette nødvendig.»

I førearbeida er følgjande moment trekt fram ved vurderinga av om nytt valoppgjør er nødvendig:

- Hvor stor er gruppen i kommunestyret eller fylkestinget?
- Hvor mange vararepresentantplasser er besatt?
- Hvor lang tid er igjen av valperioden?»

Fylkesrådmannen sine vurderingar

Raudt har to representantar i fylkestinget.

Ved e-post 16. mars 2021 meldte Erica Restoften, vararepresentant for Raudt på fylkestinget, flytting frå Vestland fylkeskommune. Restoften fyller dermed ikkje lenger valbarheitsvilkåra, og tredde endeleg ut frå sitt verv ved flytting, jf. kommunelova § 7-9 (1).

Bente Øien Hauge, vararepresentant for Raudt på fylkestinget, søkte 25. mars 2021 om varig fritak ut valperioden. Øien Hauge vart innvilga varig fritak i fylkesutvalet sitt møte 11. mai 2021.

Dette inneber at Raudt no berre har tre av fem vararepresentantplassar som er besett. Det er 2,5 år igjen av valperioden. Fylkesrådmannen meiner vilkåret om at nytt valoppgjør er nødvendig er oppfylt. Fylkesordførar har kome til same konklusjon, og har òg konsultert med Raudt si gruppeleiar.

Fylkesordførar har på denne bakgrunn bestemt at det skal gjerast nytt valoppgjør, med val av to vararepresentantar frå Raudt.

Prinsipp for utpeiking av nye varamedlemer følger av førearbeida til valglova, Ot. prp.nr. 45 (2001-2002) s. 241:

«Prinsippet for utpeikingen av de nye representantene eller vararepresentantene er det samme som for stortingsvalgets vedkommende. Det er de listekandidatene som stod for tur til å bli valgt - etter de opprinnelig valgte - som skal kåres.»

Dette er høvesvis nr. 8 og 9 på Raudt si rangering etter oppteljing av røystesetlar, Nils Bjarte Sæle og Torill Jørgensen Frøise.

I og med nytt valoppgjør for Raudt sine ledige varaplassar, har fylkesordførar òg lagt til rette for val av ny varamedlem frå høvesvis Venstre og FNB. Under føresetnad av at Gunhild Berge Stang sin søknad om fritak vert innvilga, rykker Geir Kjell Andersland automatisk opp som medlem i fylkestinget. Det inneber ein ledig varaplass nedst på Venstre si liste. Jan Henrik Nygård er neste kandidat på Venstre si liste som då skal bli kåra.

Jann Atle Jensen si bortgang inneber ei ledig varaplass nedst på FNB si liste. Aasmund Karlsen er neste kandidat på FNB si liste som då skal bli kåra.

Konklusjon

Fylkesvalstyret gjer val av følgjande nye vararepresentantar til fylkestinget: Nils Bjarte Sæle vert vald som 4. varamedlem for Raudt. Torill Jørgensen Frøise vert vald som 5. varamedlem for Raudt. Jan Henrik Nygård vert vald som 5. varamedlem for Venstre. Aasmund Karlsen vert vald som 9. varamedlem for FNB.